



“I te cherdì con to ennom” dij le Signur.

La ploania d’La Pli tol sò con ligreza te sòa comunité **André Palfrader** (Pre) y ti fej les miús aodanzas ai geniturs Robert y Marina: Idio, la Oma dal Ci y le Sant Patron acompagneii Osc môt con sòa benedisciun y proteziun.

1 enformaziuns y termins

Oraziun: en jöbia ai 26 d’aurí ales 20:00 s’encunta te calogna d’Al Plan le grup d’oraziun con signor Sepl Granruaz. Düc é benodüs.

Referat: l’Uniun di Seniores da San Martin de Tor y Antermeia envieia a n referat con signor degan Iaco Willeit dal titul “Perie! Co pa... can pa... ciodí pa?” en dedolönesc ai 24 d’aurí ales 15:30 tal salf di Stödafüch a San Martin. Dedò sarál ciamó na picia marena y n momont por sté adöm. Düc é der bel enviés.

Encuntada: en vendres ai 27 d’aurí ales 20:00 vegnel tigní te salf de calogna d’Al Plan na sera d’enformaziun sön le sorvisc de omes dal dé (Tagesmütter). Referenta é l’aconsiadessa provinciala Maria Hochgruber Kuenzer.

Sorvisc ai Jogn/1: le SaJ organiseia endò le curs: “S’arjigné ca endortöra al ejam de trilinguism” dal lönesc ai 20 al vendres ai 24 d’agost, entres dales 19:00 ales 21:00. Le curs é davert por düc dai 16 agn ensö y gnará tigní a Piculin tal Zenter pedagogich da Daria Valentin. Tres le curs podará i partezipanc se preparé bun al ejam de trilinguism con eserzizi desvalís. Cost: € 20,00 (da paié la pröma sera). Emportant: l’iscriziun al ejam a Balsan mess gní fata da vigne partezipant enstes. Enformaziuns te SaJ, ☎ 0474 523070 (orars d’ufize: lönesc - jöbia, 8.00 - 12:00 y 13.00 - 17.00).

Le Sorvisc ai Jogn/2: l’ufize sará slüt dal 25 d’aurí al 1 de má. I locai dai jogn y le zenter dla joneza Saj.un sará daverc, a pert i dis de festa.

Comun de Mareo/1: en lönesc ai 23 d’aurí vegnel coü adöm ciomont da tosser; an pó le dé jö dales 8:00 ales 9:00 a Al Plan (da Comun) o dales 9:15 ales 10:15 a La Pli.

Comun de Mareo/2: la desciaria jö n le Gran Pre romagn slüta en dedemesaledema ai 25 d’auri; ara sará daverta en dedolönesc ai 24 d’auri dales 14:00 ales 16:30.

Ocio: le **dotur Edo Agreiter** lascia alessi ch’al é demez dai 23 ai 26 d’aurí. Al sará endò a Al Plan la jöbia ai 26 domisdé. Chisc dis vegnel sostitui dala doturia Mahlknacht, ☎ 349 0667034.

Döt le bun a: Maria Obermair, *Leifers* * 25.04.1938
y a düc chi co á santennom y compless i agn cöst’edema

Impressum: Ploania d’La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



Iu sun le bun famei. Iu conesci i mi, y i mi conesc me. Alleluia.

☞ St.Ap 4, 8–12 | 1 Jan 3, 1–2 | Jan 10, 11–18

Dal Vangelo do San Jan:

Te chel tomp á Gejú dit: ¹¹Iu sun le bun famei. Le bun famei dá ca sòa vita por les biesces. ¹²Le fant tut sò a paiamont endere, co ne n’é nia famei y de chel che les biesces ne n’é nia, lascia les biesces sores y s’an sciampa canch’al veiga gnenn le lu; le lu les scherza y les sprígora endalater. Al s’an sciampa, ¹³ciodí ch’al é ma n fant a paiamont y ciodiche les biesces ne ti an val nia. ¹⁴Iu sun le bun famei; iu conesci i mi, y i mi conesc me, ¹⁵desche le Pere conesc me y iu conesci le Pere; y iu dá ca mia vita por les biesces. ¹⁶I á ciamó d’atres biesces, co n’é nia fora de cösta stala; ince cheres messi condü y ares ascutará mia usc; spo sarál ma önn n pastorec y önn n famei. ¹⁷Porchel m’öl bun le Pere, deache iu dá ca mia vita, por la tó endò derevers. ¹⁸Degügn ne m’la tol, mo i la dá ca de mia bona. I á la potesté de la dé ca, y i á la potesté de la tó endò. Cösta misciun ái ciafé da mio Pere.

Oraziun dal de

Periun! Dio onipotent y etern, to Fi ti é jü da bun famei vitorius danfora ala Dlijia: condüj ince le pastorec, por chel ch’al á dé sòa vita, fora de vigne meseria ala ligreza eterna. Do cösc te periunse por nosc Signur Gejú Crist, to Fi, co é Dio y vir y regneia con te t’l’unité dal Spirit Sant por düc i secui dai secui. – Amen.

(Lezionar B)



☞ Letöres dla Cuinta domegna de Pasca:

St.Ap 9, 26–31 | 1 Jan 3, 18–24 | Jan 15, 1–8

Edema liturgica dai 22.04. ai 29.04.2018

DOM 22.	Cuarta domegna de Pasca, dal Bun Famei De mondial d'oraziun por les vocaziuns <i>Wolfhelm, Cajus</i>
08:30	gran messa por dōta la ploania <i>oferta por i debojūgns dla ploania</i>
13:30	funziun dal Bato de André Palfrader
→ 14:00	prozesciun da Badia sō Oies por perié do vocaziuns
15:00	<i>a Pliscia s.m.</i> en onú de San lorz y Sant'Antone ♪ <i>cuartet dal cor s.m.</i> de ringraziament dla fam. Paul y Maria Pedevilla
Lön 23. 07:30	<i>Georg, lorz (patron da Pliscia), Adalbert, Fortunato s.m. a Al Plan</i>
Ded 24. 07:30	<i>Fidelis da Sigmaringen, Wilfried, Theodor s.m.</i> por †† dla fam. Isidor y Frieda Agreiter, Brach <i>s.m.</i> por † Anastasia Terza, André
Dem 25. 18:00	fiesta de San Merch evangelist , <i>Hermann, Franca, Erwin s.m. a Al Plan</i>
Jöb 26. 19:30	Maria dal Bun Consei , <i>Maria Consuelo, Cleto, Helene s.m.</i> por i nüc Albert Ellecosta y Anita Feichter <i>s.m.</i> por †† Berta y Siegfried Frontull, Janin
Ven 27. 07:10	<i>Pire Canisius, Zita s.m. a Al Plan</i>
Sab 28. 07:30 18:00	<i>Pire Chanel, Ludwig Maria Grignon de Montfort s.m.</i> por †† Kehrer, Costamesana <i>s.m.</i> por † Regina Ellecosta, Stifler <i>s.m. prefestia a Al Plan</i>
DOM 29.	Cuinta domegna de Pasca <i>Caterina da Siena (patrona d'Europa), Roswita, Robert</i>
08:30 10:00	gran messa por dōta la ploania <i>oferta por i debojūgns dla ploania s.m. a Al Plan</i>
<i>ampola:</i>	do intenziun dai nüc Albert Ellecosta y Anita Feichter
<i>ministronc:</i>	▶ da doman y domegna: Rudi Ellecosta y Elias Ellecosta ▶ da sera y domegna: Alan Ellecosta y Alex Pedevilla
<i>i recordun:</i>	Lois Taibon, Corvara + 27.04.2009



Ocio, le lu! (Jan 10, 11-18)

I ponsi do

L'imaja dal bun famei se mostra döt l'amur y la dediziun de Gejú por nos: al dá ca sōa vita por nosta felizité.
Trec "lus" proa da "arobé" biesces al tlap de Chelbeldio. Ai proa da se tó la ligreza por les cosas spirituales, se manacia i sentimonc y i valurs positifs y chir ma le davagn y l'enteres personal.

I preii ensciö

L'imaja dal tlap ne passeneia nia plü der por nüscc tomps. Pordona, Gejú, mo l'idea da ester na biescia ne mo entusiasmeia nia. La biesca é le simbol dla banalité, dla mancianza de personalité y de protagonism. Na biescia ne ponsa nia con so ce, mo fej ma do ai atri.
Mo tō ne la minâs nia esciö. T'as orü se dí che t'es en bun famei, co dá ca la vita por sōes biesces. Tō ti ôs bun, les conescas, ciars de eres y les cherdes por ennom. Te les defenes ince y ciars ch'ares ne vái nia a perde o vegni tutes. Ma deache t'es tō te damani: nia ciont dis, mo dūc mi dis de mia vita, lásce mai vire da biescia.

Walter Cazzaniga, Parola amica – Il Vangelo della domenica per ragazzi



Stories de Adam y Eva cuntades ai mituns (7)



Na Eva por Adam

Chelbeldio, le Signur, odea Adam – l'el – su tal urt "demorveia". Al sâ che Adam n'ea nia daldöt encontont. Al sâ ince ci che Adam ess adoré por ester encontont. Chelbeldio â dit: Al n'é nia bun che Adam, l'el, sii su. Al adora na compagna co passeneia pa el: òna co vir, cianta y s'la ri con el; òna co partesc ince la ria lõna con el. Al adora na era, co veiga le monn con sū edli, co ti ciara ai ciöf co floresc, ai früc co madoresc y ai vici co se fej la coa ...

Al adora na era co le deida coltív y laoré l'urt. Adam, l'el, adora na era co ti someia. Chelbeldio, le Signur, â lascé gní en sonn sot sōn Adam. Spo âl tut en costei de Adam y â formé denfora la era.
Chelbeldio, le Signur, â condüt la era da Adam. Al l'â odüda y s'â ralegré. „Cōsta él!“ âl scraié. „Na porsona desco iu! Cern de mia cern y os de mio os.“
L'el y la era alda adöm. Ai é cheriés önn por l'ater. Ai se confida y s'ô bun y ciafa mituns. Deboriada laldai Chelbeldio.
Adam, l'el, ti â dé a sōa era l'ennom Eva – co ô di "vita"; deache era é gnüda la oma de dōta la jont.
Adam y Eva ea desnüs. Mo deache ai confidâ önn tal ater, ne se dodái nia.

va ennant

Signur, mena laoranti por töa racolta

Danló á Gejú dit a sū discepui: La racolta é grana, mo al é ma püc orás. Periede porchel le patron dla racolta, ch'al meni laoranti por sōa racolta. (Mt. 9,37-38)